

اقتصادنا

نومبر ۲۶

پنجشنبہ

۱۲ مارچ ۱۳۲۴

فرانسه ایله انکلتريه بی اوزلاشدیرمق اوزره تکلیف واساطنده بولندی. حتی اوج آی طرفنده انکلتريه بوتکلیف دوستانه به جواب موافقت اعطایا خود شایان قبول شرائط درمیان ایلمز ایسه روسیه فرانسه ایله مشترکاً اجرا آته مبادرت وبوخصوصده ردمسؤولیت ایلیه جکی اشعاره مسارعت ایلدی .

سعاد مختار

اجال داخلی

مجلس مبعوثان وفرید پاشا - آیدین وقعه سی - شهر اماتی - ادرنه مبعوثی عاصم بك - شرکت خیرییه بویقوت - كرك حلالرینك غره وی - غارسونلرك نمايشی - روم طلبه سی پروتودوسه قارشی متنبیع - نجیب ملحه مك محاکمه سی -

۱۲ مارت ۱۳۲۵ استانبول

بو هفته مجلس مبعوثانده کی استیضاحلردن بری مملکتته بر آدمدها قزاندردی اوده صدر اسبق فرید پاشا در . مشار الیهك قونییه والیلکننده ایضا ایلدیکی خدمات وامور عبادی تمشیده کوستردیکی اقتدار وسرعت جملهك مسلمی در . کندولرینك آیدین ولایتنه تعیینلری مناسبتیه اعضاان بری طرفدن ایدیلان استیضاح مبعوثلر مزدن برچوقلری طرفندن لهنه اوله رق ایراد مقاله سبب اولدی. مشالیهك كرك قونییه ولایتنده وكرك مسند صدارتده ایضا ایلدیکی خدمات برکزیده تعداد ایلدیکی صروده اعلان مشروطیت ایچون فیروز ویکده اجتماع ایلیان اوتوز بیک کشیدن عبارت احرار امته چکدنیکي تلغرافنامه ده ارنالودجه اوله رق « تشبئاتکز فوق العاده ای برشیدر . جناب حق موفق ایلسون » عبارده سنك ذکرى القشله تلقی ایلدی . بن ایسه قبل الانقلاب مشالیهك اتحاد وترقی جمعته منسوب اولدقلرینی سزدیکی ایکی زانه او اشلارده وم ایلیده جریان ایدن وقوعای وحکومت مستبده طرفندن اتخاذ ایدیلان تدابیری حاوی تلغرافلری (باقکز روم ایلیده نلرا اولیورا) دیهرك اوقودینفی وضمناً بوکافارشو جمیعجه نه پایامق ایجاب ایدرسه پایلمسنی تلقین ایلدیکی علاوه ایله کندولرینك ندرجه به قدر محب مشروطیت اولدقلرینی بیان ایلمك ایسترم . اعضای محترمه دن

برچوقلرینک بیان ایلدکلری اوزره سیئاتی - اگر وار ایسه - هر حالده حسناتندن دوندردور - استبدادک ال اوزانه مدینی برچوق کیمسه لردن مملکتی تطهیر ایلمسی ، برچوق یولسزاراده لره قارشی قومسی ، چو خوق اوینجاغه دوندیریلان رتبه و مأموریت یغمالرینه اندن کلدیکی مرتبه مخالفت ایلمسی بولندیغی زمانه کوره ایجه مهم موفقیتلردند. والحاصل اجرا ایدیلان برچوق مذاکرات و مناقشاتدن صکره استیضاح صاحبک تقریرینک ردینه قرار ویریلرک شوقحظ رجال آرمسند مملکته بر آدم دها قزاندرلشدر .

*. فریدپاشا حقنده استیضاحه - بب اولان آیدین والیلکی مسئلهسی والی سابق غالب بکک اون اوچ کون امتداد ایدن مأموریتندن استعفا سیله ظهوره کلدی . آیدین متصرفی نشأت بکک بشقه برلویه تعیینی حقنده مقدمه و قوعبولان استرحامی صدر اعظم پاشا طرفندن بالا - عاف مأموریتی ارکری به تحویل ویرینه سینوب متصرفی ضیاباشا تعیین ایدلمش ایسه ده ایدین اهالیسی متصرفلردن خوشنود اولدقلربی بیان ایله ضیاباشای قیبول ایتمزلر و حرکت ایدمک اولان نشأت بکی قویورمامک اترلر . صدر اعظم پاشا والی به عصیاک اوکئی آلمسنى یازدیغی حالده والی اهالینک طلبی اجر آتندن نمون بولندقلری اسکی متصرفک ابقاسی استرحامدن عبارت اولدیغندن اوزرلرینه قوه و ساجه ایله وارمى موافق کورمدیکی واستعفا سنک قبولی بیسان ایلر . بونک اوزرینه اهالی ازمیره کیده رک والیدن استعفا - نی کیرویه آلمسنى طلبه قرار ویرزلر . ایش بوصورته بویوبوب اهالینک طوغریدن طوغری به امور حکومت مداخله سی کورولنجه بوراده کی ازمیر مبعوثلردن ایکیسى والی به بر تلغراف چکوب مقام صدارتدن ویریلان امر و تعلیمات وجهله حرکت ایدلمسنى و آیدین اهالیسنه دخی اوزرلرینه قوه مسلحه اعزامی مقرر اولدیغندن اوامر حکومت اقیصاد و مطاوعت کوسترملرینی اشعار ایلملشدر . نهایت غالب بکک استعفا سی قبول ایدیلرک یرینه اعیان اعضا لى انضامیله فرید پاشا تعیین اولمش و بو کون محل مأموریتنه عزیمتی مقرر بولمشدر .

*. کچن هفته کی اجمالزده بیسان ایلدیکمز وجهله شهر امینی زیور بک

انقره واليكنه و انقره واليسى حازم بك شهر امانته و سلائيڪ بليدي رئيسى عادل بك ده امانت معاونليكنه تعيين ايدلدى . زبور بلك شهر امينليكي زمانته امانتك بالجله امور و خصوصاتي چيغرىندن چيقديني كي شهر مزك ا-باب عمراني شوبله طورسون تنوير و تنظيمي مثلو شهر امانته متعلق اك كوچك وظائف بيله قطعياً اهل ايدلش ، سواقلىر من بيسلىكدن بچله ميه جك بر حال اسفائيله وارمى اولديغندن كنديسك شومقامدن رفيعي شهر امانته كي آخرت قرداشلردن ماعد امله نك ممنونيتي موجب اولمشدر . زبور بك انتخاب ايله ملتك وكيلارى اولان جمعيت عمرميسه بليدي نك موجوديتي طائىماق . مقررانسه قارشى كلمك استديكندن مقام امانتن چكلمسى شهر من اينچون خيرلى بر تدبير اولديغى كي حاكميت مليه نك يكي بر مظفريتى بولمىشدر . بو كي ايشلوك اهلى اولديغى كندوسنجهده تين ايتش اولمالى كداستغفانك كفران نعمت اولديغى بيان ايدوب طور بر كن كندى احوال صحيه سندن بختله انقره واليكدن استعفا ايتمشدر . يكي شهر امينليك بولنديغى بر چوق واليكلرده كي كوستردىكي اقتدار و استقامت اللى سنده نبرو شهر اميني كورهيان مأموريت جديده سندهده موفق اوله جفته براعت استمالدر . خصوصيله معاونلى اولان عادل بك افنديك اس-آستانبول بليدي لرينه ازهر جهت فائق بولنان سلائيڪ بليدي رياسته بولخالى و اوروپا بايتخلىرى بك ابي طائىملىرى شهر مزك اعمار و تنظيمي اينچون بك بيوك اميدلر و برمكدهدر . شو ايكي توجيه و جهيدن طولاني كنديلرينه بيان تبريكات و صدراعظم پاشا حضر تلىرينده آريجه تقديم تشكرات ايلرز .

*. بو هفته مجلس مبعوثانمز اعضا سندن يه بريسى غائب ايله يرك ماملره بوروندى . مكتب حقوق ن على الاعلى درجهده مآذون . فعال و جداً ارباب ناموسدن اولان ادرنه مبعوثى عاصم بك مبتلا اولديغى مرض مدهشدرن قورتيله ميه رق هنوز اوتوز ياشنده ايكن ارتحال ايلمىشدر . كنديسى انجق ارن كون قدر مجلسه دوام ايدورك مذاكرانده بولمىلمىشدى .

*. بو هفته شهر من ايجه نمايشلره ، غره ولره جولانكاه اولدى . اسكدار

اهالیسی طرفندن شرکت خیریه اداره سندن بیلت اثمانک اوتوز پاره دن یکر می پاره یه تزیلی طلب ایدلمش و شرکت طرفندن نافعہ نظارت سنہ مراجعت اولنه رق اوراجه تدقیق مسئله ایله اشتغال ایدلمکده ایکن اهالی طرفندن نتیجه بکللمیه رک رومورکورلر استیجاریله اجرای سیر و سفره باشلانلمسی شرکتک حقوق امتیازیه سنہ خلل ویردیکندن استمبوطلر اولکی کون منع ایدلمش و بونک اوزرینه قوزغنجق و اسکدار اهالیسی بیلتمز اوله رق واپوره بیندکارندن کوپریده خروجارینه ممانعت ایدلمسی اوزرینه اهالی کوپریده کی شرکت مأمورلرینه هجوم ایله ضربه قیام ایدلمشلردر. در عقب قوه عسکریه جاب ایدیلهرک اهالی جبراً طاغیدلمش ایسه ده بونلر ینه شرکت خیریه اداره سنہ کیدرک اوراده ده باغرمش چاغرمشلردر. مزکزده بولنان اهلایز حریتی بو یولده سوه استعمال ایدرلر سہ بیلیم طشره اهالیسنک اوراده وراده وقوعبولان حرکات غیر لایقه لرینه نه دیلی ؟

••• ینه بوقبیلدن اوله رق در سعادت و غلطه جهتی ریختم حملاری ایشلرندن چیقاریلان بعضلرینک ینه استخدا ملری مقصدیله قومپانییه وقوعبولان مراجعتلرندن برنمره حاصل اولماسندن طولانی تعطیل اشغال ایتمشلر و نصیحت ایچون کلان خواجه افسدیله وان مبعوثلرینی دکیه رک تعطیل معامله ده اصرار ایدلمشلردر. بونک اوزرینه اولکی کون طرف حکومتمدن (قانون مخصوص ایجابجه عمومه متعلق مؤسسانده مستخدم اولانلرک تعطیل اشغال ایتملری ممنوع اولوب بو کیلرک حبسی و کندیلرندن جزای نقدی اخذ ایدلمسی قانون مذکور ایجابندن بولندیفندن مذکور ریختم و کرک کرده مستخدم حملاردن هر هانکیسی صالی کونندن اعتباراً ایشنک باشنه عودت ایدرک کرک و ریختم اداره لرینجه تعیین اولنان خدمتی ایفا ایتمز سہ همان طریقه یه برینسه دیکری قبول و استخدام ایدیله جکی کبی تعطیل اشغاله تمرد ایدن حامللر حق لرنده قانون مذکور احکامنه توفیقاً معاملات لازمه ایفا اولنه جنی) اعلان قلمسی اوزرینه بونلردن غلطه حملاری غره و دن واز کچهرک چالشمغه باشلامشلر ایسه ده در سعادت حملاری هنوز چالشمق فکر نده بولنیورلر.

*. ښه ډول هغه ظرفنده شهر مږه وروډ ايدن آلمان سياحی شرفه پراپلاس اولنده ویريله جک ضیافت ایچون اولت. مستأجری ایجاب ایدن فضله غارسونلری (غارسون سندیه سی) خارجندن انتخاب ایلدیکندن سندیه ارکانی اولته کله دیکر غارسونلری ایجری به کیرمکدن منعه قیام ایلمشدر . بونک اوزرینه اولت مستأجری قوه ضابطه به مراجعت ایدرک کان عسکرک تفک دیجیکلری سایه سنده غارسونلر ایجریه آلمش ایهده بو وقعه اوزرینه مذکور غارسون سندیه سی هیئت ادارسی بوتون در سعادت غارسونلری عمومی برترک اشغاله تحریک ایدرک اوتاجیلری منحصرأ سندیه مذسوبندن اولان غارسونلری طومغه اجبار اتمک فکرینی بسلیورلر ایش! اوروپا لیرک ملک شرقیه به سیاحت موسمی اولان شو زمانلرده بویه برترک اشغال وقوعه کلیرسه اوتلجیلرک دوجار اوله جنی مشکلاتی تصور ایدیکز !.

*. غلطه ده کائن سن بنوا فرانسز مکتبه دوام ایدن روم طلبه سنک قاتولیکلشدیرلمسبه غیرت ایلدیکی یولنده پروتودوس و نولوغوس کي هندیانامه لک نشریاتی اوزرینه مکتب مدیری روم طلبه به اصلی اولمایان نشریات واقعه تکذیبی ایچون برورقه امضا ایتلرینی تکلیف ایلدیکندن طلبه امضایه باشلا دقلرنده حیت یونانیه سی غلیانه کلان یرلی طلبه دن بری ؛ (یونانیلیق ایچون چالشان غزته لک سوزلرینی تکذیب اتمک مغایر حیت اولدیغنی) بیانه کاغدی برتار. بونک اوزرینه روم چو جقلری مکتبی بوقوت ایده رک چیقارلر. کریدی یونانستانه الحاق ایتدیرمک خصوصنده الیدن کلان معاونی اجرادن کیر طور میه جغنی نطقلرنده بیان ایلان فرانسه ریئسی وکلای موسیو (قله مانو) نک قولقلری چینلاسون .

*. ممالکتمزده منتشر شو هندیانامه لک عناصر مختلفه عثمانیه آره سنده اوته دنبرو دوام ایدن وفاق واتحادی اخلاص ایده جک صورتده مقالات نشر ایتلری منافع عثمانیه به مغایر اولدیغندن حکومتجه قانونک صلاحیتی دائره سنده معامله ایدلمسنی طلب ضمه سده بوکون ساعت درنده سلطان احمد میداننده برمتیغ عقد ایدیله جکدر بو خصوص و قتيله (استشاره) مزجه نظر اهمیته آتهرق حتی ۱۶

نومرلو نسخه مزده (تابعیت اجنبیهی حائز بر غزته ناشربنك منافع و حثییه مزه
 منافی نشریاته تصدیقی حالده ممالك عثمانیه دن طرد و اخراجنه حكومتك حق
 و صلاحیتی) اولوب اولدیغنه دائر بر مسابقه ترتیب و كلان جوابل آره منده ملانیكده
 مشاهیر و كلای دعاویدن امانوئل سالم افندیك بك مدققانه و واقفانه بر صورتده
 یازمش اولدینی (حق تبعید) مقاله سی ۲۱ و ۲۲ نومرلو نسخه مزلرده درج
 ایدلمشدی . مسئله نك جهت حقوقیه سی و امثال قانونیه سی اشییه مقاله نك مطالعه سندن
 منضم اوله جنی جهتله یالكر شوقدر سوبلیه كم ممالك عثمانیه اقامت ایدن تبعه
 اجنبیه دن بری قانوناً موجب جزا اولان بر قلمی ایشله میه رك فقط آنك بوراده
 دوام اقامتی آسایش مملكتی اخلاصه بادی اوله جنی اكلاشیلور و الحاصل سوء ظن
 اصحابندن اولوب حكومتك امنیتنی سلب ایلر ایسه آنك و مملكتدن طرد و تبعیدینه
 حكومت عثمانیه نك حق واردر . شو حق انشا الله بوسفر اولسون استعمال
 ایدیلیرده شوه دیانامه لك ، پاچاورم لك اورته به آتدقزی لوثیاندن مملكت تطهیر
 اولنور .

* . نجیب ملحمه نك بازار ایرتسی كونی اوچنچی محاكمه سی اجرا ایدلی .
 محاكمه صالونی و طیشاریسی ینه خنجاخنچ طولمش و انتظامك محافظه سی ایچون
 پولیس و عسكركلبنه لزوم كورلمش ایدی . انانی محاكمه و قتيله بومبا حادثه منده
 تحت توقیفه آنسان لوقطه جی حاجی نشانك ارلوقت اعلان ایدلیکی وجهله
 ابدستخانه ده انتخار ایله میوب نجیب ملحمه طرفندن اولدیلمش اولدینی شاهدلردن
 شیشلی مزارا فنده باغچوانلق ایدن سرکس طرفندن درمیان ایدلمشدر . مرقوم ،
 حاجی نشان دفن ایدلدكدن صكره شهیدلر لك مزاری آچدیغنده جنازه نك سیاه
 بر بزه صارلمش والی ایاغی بوزی كوزی پارچه پارچه ایدلمش بر حالده كورتیكی
 و بونی بش آتی طولوبه جی ایله سیویل اوچ كشی به كوستردیكی و اسملرینی
 یازدیروب كلیسیایه ویردیكی و بطریقده سوبلمش اولدیغنی و ایرتسی كونی
 بشكطاشه چاغریله رق کیمسه به سوبلماملرینی تنیه ایتدكلینی افاده ایدلمشدر .
 ساعت اونه قدر امتداد ایدن محاكمه نتیجه منده خان مرقوم علمنه اقامه ایدیلان

دیگر بر جدوق اشکنجه دعوالرینک توجیدینه و یوم محاکمه‌نک بالاخره تعینته قرار ویرلشدرد. محاکمه‌دن طاعیلان سامعین ایله ایکی بیک قدر خلق اشاغیده کی حولی ایله ایاصوفیه میدانندن ضبطیه توقیف‌خانه‌سنده قدر تجمع ایتشلر وختام محاکمه‌نی بر ساعت کج‌دیکی حالد طاعلما‌ملشدر . آتک اوزرینه جلب ایدیلان بر بلوک پیاده ایله قرقه قدر پولیس وژاندارمه محافظه‌سنده اوله‌رق نجیب محکمه‌دن چقارلمش وینه کندینه مخصوص غالا آراه‌سنه بالارکاب اهالی‌نک (یوها) آقشلی آره‌سنده توقیف‌خانه‌یه ایصال ایداشدر .

ابراهیم احسان

اجال خارجی

آوستریا و صربستان اختلافی آرتق اوروپانک قاینه‌لرینه ده، محافل سیاسییه سنی‌ده، مطبوعاتیه ده افکار عمومییه سنی‌ده بی‌قیدی اوصاندردی. هرکون بر صورتله شایع اولان حوادث مهیجه‌نک تولیدایتدیکی اندیشه‌یه بر طاقم روایات متضاده‌دن متولد عصیت انضمام ایدرک هرکسه بر غنا‌کلدی . نه اوله‌جقسه اولسه‌ده شوک‌مشکش ختام بولسه دینه‌جک درجه‌نی بولدی. حقیقت! زمان امتدادی میدید اولدینی قدر کسب ایتدیکی صفحاتی‌ده عدید اولان بو اختلافک بر اقدینی اعوجاجلی ایزلره باقه‌رق بر فکر پیداسی کیتدکجه عسرت پیدا ایتدکن بشقه ذهنه طور غونلق ویرمهک باشلادی. بتون دولنلر آوستریا صربستان مناسباتنک مسلحاً تسویه مسئله‌نی انتاج ایده‌جک بر دوره‌یه کیردیکی تقدیرده احتمالک دأره حربک بو ایکی حکومت متجاوره آره‌سنده مقصور قالمیه‌جفنی بیلدکلی ویا نسبتسز بر محاربه‌یه قائل اوله‌مدقلری ایچون بو کونه قدر دیپلوماسی طریقله قابل اجرا نه وارسه همان هر شیئی بیدیلر . دوستانه توططر ، خیرخواهانه نصیحتلر ، مشترکاً تشبیلر بر برینی ولی ایتدی . بونلر سایه‌سنده محافظه‌صلح و مسالمت امید کی کاه کسب ضعف ایدرک ، کاه دوچار ضعف اوله‌رق الی‌الان